

## **РОТ /БАТАРЕЙ, ЗАСТАВ/-ЫН ДОХИОЧИН-БӨМБӨРЧНИЙ АЖИЛЛАХ ЗААВАР**

1. Дохиочин-бөмбөрчин нь жагсаалд бөмбөрийн цохидоггүй талыг баруун ташаа руугаа дотогш харуулан, оосрыг зүүн мөрөнд үүрч зогсоно. Цохиурын нарийн үзүүрийг доош харуулан бөмбөрийн оосрын хоногт хийнэ. Бүрээс оосрыг баруун мөрийг давуулан үүрч, бугалгыг доош харуулан зүүн ташаанд зүүж, бүрээний гогцоог бүсэнд бэхэлсэн байна /Зураг 54/.



Зураг 54.  
Бөмбөр, бүрээг үүрч  
Жагсаалын үндсэн  
зогсолтоор зогсох байдал.



Зураг 55.  
Тоглолтын үед бөмбөр  
бүрээг барьж зогсох



Зураг 56.  
Дохио өгөх үед бүрээг  
барьж зогсох байдал

2. Бөмбөрчин бөмбөрийг цохиход бэлтгэхдээ бөмбөрийн оосрын хоногоос цохиуруудыг авч, бөмбөрийг тоглолтын байдалд оруулаад цохиурыг нарийн үзүүрээр нь бөмбөрийн дээр барина /Зураг 55/.

Энэ үед бүрээ 1 дүгээр зүйлд заасан байдалд хэвээр үлдэнэ.

Бөмбөрийг цохиж эхлэх, тоглолтыг зогсооход ахлах бөмбөрчин цохиураар дохио өгч мэдэгдэнэ.

3.Эргэх үед бөмбөрчин нь бөмбөрийг бүслүүрээс барьсан байна.

4. Бөмбөрчин жагсаалд тоглолгүй явах үедээ бөмбөрийг 1 дүгээр зүйлд заасан журмаар барина.

5. Тоглолтод бэлтгэхдээ дохиочин бүрээг баруун гараар барьж бурзанг аманд аваачна /Зураг 56/. Энэ үед бөмбөр 1 дүгээр зүйлд заасан байдалд үлдэнэ.